



# Synfocity = 336

mail us at : [synfo@bsnl.in](mailto:synfo@bsnl.in), [synfo@yahoo.com](mailto:synfo@yahoo.com) - Phone - 2314648

14<sup>th</sup> April, 2011

## □ ATC Dedication-cum-Farewell

Vawiin (April 14) chawhnu dar 1:30 hian Aizawl Theological College (ATC) chuan zir chhuakte hlanna leh thlahna (Dedication-cum-Farewell) inkhawm, ATC Chapel, Durtlangah an hmang ang.

ATC atanga Pathian thu zirchhuakte hlanna leh thlahna (Dedication-cum-Farewell) Inkhawm hi Rev. Prof. Vanlalchhuanawma, ATC Principal-in a kaihhruai ang a, Rev. Dr. Lawmsangan tawngtaina hun a hmang ang. Rev. R. Lalrosiama kaihhruaiin lawmthu sawi tawngtaina hun hman a ni ang a, Rev. Dr. Tlanghmingthanga kaihhruaiin sual thupha chawi tawngtairualna hun hman a ni bawk ang. Dean, P.G. Studies Rev. Dr. C. Lalhlira leh Registrar Rev. Dr. Vanlalnghaka Ralte ten zir chhuakte inhmelhriattina hun an hmang ang a, Synod Moderator Rev. C. Lalsanglian an inthlahna thuchah a sawi ang. Principal Rev. Prof. Vanlalchhuanawman zirlai kal chhuak turte hlanna hun a hmang ang a, Durtlang Pastor Bial Ziapawl an zai ang. Dr. Lalnghakthuami kaihhruaiin kalchhuak turte tawngtaisakna neih a ni ang. Rev. Dr. V.S. Lalrinawma leh K. Lalchunglura, B.D. IIYr. te hnen atangin inthlahna thuchah ngaihthlak a ni ang a, kalchhuak turte aiawhin Zoremliana Pachuau, M.Th. Final Year leh Rev. Lal Rin Maka, B.D. Final Year ten thu an sawi ang. Rev. Zosangliana Colney, Executive Secretary i/c Theological Education-in zirlai titha zualte hnenah lawmman a sem ang a, Rev. P.C. Pachhunga, Synod Secretary-in certificate a hlan ang.

Tun tuma ATC atanga zir chhuakte hi Master of Theology (M.Th.) 13 leh Bachelor of Divinity (B.D.) 6 an ni.

## □ Bial Inkhawmpui

April 15 - 17 chhung hian Presbyterian Kohhran chuan Pastor Bial tinah Bial Inkhawmpui an nei dawn a, Bial thenkhat Inkhawmpui hmang zo tawh an awm bawk. April 15 (Zirtawp) zan hi Palai Lawmna & Report Inkhawm a ni ang a, April 16 (Inrinni) ah nilengin Rorel a ni ang a, April 17 (Pathianni) chawhnu inkhawmah Lalpa Zanriah Sakramen teh a ni ang a, zan inkhawmah Bial Chairman kalchhuak turten Valedictory Sermon an sawi ang. Pathian Biak Inkhawm hun hrang hrangah thupui sawi tura ruatten thuchah an sawi bawk ang.

Bial Inkhawmpui hi April Pathianni vawi li-naah neih thin a ni a, kumin (2011) hian Easter Sunday nen a in nan dawn avangin Synod Executive Committee chuan a sawn hma a ni.

Rev. Vanlaluata, Senior Executive Secretary-in Vaphai Bial Inkhawmpui, Vaphai Kohhranah Thlarau lam thupui a sawi ang a, Rev. Lalzuithanga, Executive Secretary-in Mission Veng Bial Inkhawmpui, Mission Veng Kohhranah Thlarau lam thupui a sawi ang.

## □ HSLC Result lawm

April 12 (Thawhlehi) khan Keifang Presbyterian English School chuan an School HSLC Result 2011 lawmna, Keifang Community Hall-ah an nei a, tlaiah ruai an kilho nghal bawk. Bialtu MLA leh Home Minister Pu R. Lalzirlana chu Khuallian a ni a, Rev. Mangchhuana, Presbyterian English School Supervisor chu Khualzahawm a ni.

Result lawmna inkhawm hi Upa Rohmingthanga Treasurer Managing Board in a kaihruai a, Rev. Sapkaia Bialtu Pastorin hunserh a hmang. Thusawi ngaihnaawm tak takte ngaihthlak a nih bakah zirlai zaithiam tak takte an zai a, cheraw an kân bawk.

Keifang PES hian kumin HSLC exam-ah khan Distinction-ah 2, First Division-ah 8, Second Division-ah 8 neiin 100% in an passed a ni.

## □ Synod Mission Board

- ♦ Nimin (April 13) khan Missionary Training College, Mission Vengthlanga mi chu Senate of Serampore Registrar, Rev. Dr. Ravi Tiwari chuan a rawn tlawh. Theological Education nena inang lo a nih avangin B. Miss zirna hi a hranga din tur a ni a, chutiang taka Mizoram Synod-in a kalpui hi Registrar pawh a lawm hle a ni. Senate of Serampore Council chuan Missionary Training College hi a pawm tawh a, syllabus pawh Senate of Serampore duh angin duan mek a ni.

- ♦ Synod Mission Board hnuaiia Mission Field hrang hrangah Committee neih chhoh mek a ni a, April 7 khan Arunachal East Field Committee, Khasan-ah neih a ni a, April 11 khan Arunachal West Field Committee, Itanagar-ah neih a ni a, Nimin (April 13) khan Assam Field Committee, Guwahati-ah neih a ni bawk. Field Committee-ah hian Rev. Lalchhuanmawia, Synod Mission Board Secretary leh Rev. C.M. Zalenthanga, Board Executive Committee Member te an tel a, Pu Lalzawngliana, Synod Office-in a tawiaawm bawk.

## □ Doctor of Divinity pe dawn

William Carey University Board of Trustees chuan Rev. Dr. Lalchungnunga, Principal, Serampore (Srirampur) College hnenah Doctor of Divinity a pe dawn. He honorary degree hi May 14, 2011 ah Hattiesburg Campus-a Graduation Day-ah hlan a ni ang. He ceremony hi Smith Auditorium-a neih tur a ni a, thusawi tura sawm a nih angin Rev. Dr. Lalchungnunga hian minute 12 chhung thu a sawi bawk ang. He Graduation Day thupui chu "Rawngbawlsaka awm tur ni lovin, rawngbawl tur zawkin (Matt. 20:28)," tih a ni.

## □ Social Front

- ♦ April 9 & 10 khan Chhingchhip Kohhranah Intodelh Seminar neih a ni a, seminar hi Pu John Lalhruiatluanga, Social Front Asst. Coordinator leh Pu Lalthanpuia, Laipuitlang (Social Front Campaigner) ten an neihpui a ni.

- ♦ Synod Social Front chuan Mizoram Liquor Total Prohibition (MLTP) Act chungchangah Research Team dinin zirchianna neih mek a ni.

- ♦ Synod Social Front-in ram pawna hna thawh tumte tan fimkhurna tur thurawn (Working Advisory) a chhuah thar chu pheh lehlamah tarlan a ni a, Mizo mipuite intodelh nana Bank hman tangkai dan pamphlet a buatsaih pawh a duh tan Social Front Department, Synod Office-ah lam theih a ni a, [www.mizoramsynod.org/booklets](http://www.mizoramsynod.org/booklets) atangin a lak theih reng bawk.

## □ Susamachar Prasaran Programme

April 17 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Champhai Bethel Pastor Bial - Jab Jab Dekho; **Group/Choir/Solo** : Mission Veng Masihi Sangati - Rahi; **Sermon** : Pu Lalvena Hnamte; **Group/Choir/Solo** : Ramhlun Venglai Masihi Sangati Zaipawl - Khudawan Bata; **Group/Choir/Solo** : College Veng Masihi Sangati Zaipawl - Hum Yeshbu Ke; **Solo** : Kawngkharmawii - Krus tere nishan

## HNA RUAK DIL THEIH

Synod Multipurpose Training Centre (SMTC), Mission Venthlang, Aizawlah pheikhawk siam zirtutu tur post 1 (Contract)-a lak a ni dawn a. Dilna chu plain paper-ah ziakin Kohhran lehkhah leh certificates neih ang ang thil telin a hnuacia hming ziak hnenah hian theihluh tur a ni e.

- ♦ Dil theih hun chungung : May 11, 2011 thleng
- ♦ Interview hun : May 12, 2011 (Ningani) 11:00 am
- ♦ A hmun : Synod Multipurpose Training Centre, Mission Vengthlang

Sd/-  
**REV. F. LALRINUNGA**  
Director, SMTC

## RAM PAWNA HNA THAWH TUMTE TAN (*Fimkhurna tur thurawn 10*)

Mihring lo pung zel hian eizawna kawngah indaih lohna leh indip tawna a hring lo thei lo va, ram chungung hna awm theite hian min huap kim zo lo tual tual bawk. Chuvangin, kan thalai tam takten ram pawn thlengin hna an zawng ta a, hei hi Synod Social Front chuan thil lawmawm tak niin a hria a ni.

Kan thalaite hian khawvel hmasawn mek mila an mamawh phuhruksak thei tur nia an hriat hna hi chu an lo thawk hreh hauh lo tih a chiang hle. Mahse, fimkhurna tur an hriat thiam tawk loh avangin an kalna hmunah harsatna an tawk leh hnuhnawh fo thin tih hriat a ni a, chuvangin ram pawna hna thawh tumte tana kaihhruaina siam hi Synod Social Front chuan tul a ti a; hetiang hian fimkhurna tur thurawn a siam ta a ni.

1. Ruaitu tur chuan a rawih tur hnenah a company kalphung zawng zawng a hrilh chiang tur a ni a, thawktuten an hna leh company kalphung chungchanga sawi tur an neih vete leh ngaihdan an neih te an pho lan ve theih dan tur a awm leh awm loh thlengin, kalphung kim tak an lo zir lawk theihna tur handbook leh employment rules chu a pe thei tur a ni.
2. Ruaituin a mi rawih a beisei dan (management expectation) pawh a chiang tur a ni. Company chuan thawktu a duh ang mizia leh nungchang a hriatir hmasa tur a ni a, chutiang nungchang an neih theihna tura khuahkhirhna dan pawh a nei tur a ni.
3. Ruaitu tur chuan a rawih tur hnenah a thawhna hmun tur (work place) chiang takin a hrilh nghal tur a ni a, hmun thu tur nge a nih kal kual vel tur tih pawh a hrilh tur a ni.
4. Chhan tha tak awmin emaw, awm chuang lo pawhin probationary period chungung chuan ruaitu chuan a chawlhthin a ban hlen thei. Heti hi a nih avangin probationary period an nei dawn a nih chuan a rei zawng tur an hre hmasa ngei tur a ni. Thawh tirhah eng ang dinhmunah nge an inrawih tan dawn tih pawh a chiang tur a ni.
5. Thawktu chuan a duh hunah ama duhna ngei chuan a bang leh thei tih a chiang tur a ni a, chutiang atana dan ruahman pawh chu a awm tur a ni. Chutiang bawkin company chuan a hnathawk chu chhan eng vang pawhin a duh hunah chuan a chawlhthin thei bawk.
6. Thawktuin chawlh a neih theih dan tur - tul bik thila a hna chawlhnan chuang lo leh, hlawn chungchanga pawh inhriatthiamna awm tel chungung a chawlh theih dan a awm dawn em tih hriat chian tur a ni.
7. A thawhna hmunah chuan thiamna te lo pungin chhawr manhla leh zualin hma lo sawn sela, hlawn leh dinhmunah a bak kal zel theihna dan ruahmansak a ni em tih hriat chian tur a ni.
8. Hriselna lamah thawktu chu company-a a thawh chungung natna khirh bik vanga enkawl ngaiin awm ta sela, company chuan eng ang nge a buaipui dawn tih chian a ngai. Tin, a hna avanga vanduaina tawkin, hna dang thawk leh tlak lo khawpin ram tui lei lo hial pawhin lo awm ta sela, company chuan a thawh theih tawk hna danga dah chhunzawm theih dan emaw, tuamhlawm zui dan tur ruahmanna a nei em tih hriatchian tur a ni.
9. Thawktu chuan hlawn baka hamthatna dang a neih theih turte pawh a hriat nghal a ngai a, company chu eng vanga zawm nge a nih tih amah ngeiin a chiang bawk tur a ni.
10. Thawktu tur chuan a hna thawhna hmunah midang nena inan loh chang wawi tam tak a nei thei dawn tih a inhre sa tur a ni a, hotu tea vuivaina zawn tum lo tur leh tuar thei tura a inbuatsaih a ngai.

**Buatsaihtu : Synod Social Front, Mizoram Presbyterian Church**